

7
ANTONII THYLESII CONSENTINI
ORATIO: Q VAM HABVIT IN
FVNERE ILLVSTRISSIMI
IOANNIS IACOBI
TRIVVLTII.



ANTHONY TRIVETT
ORATOR OF VANDERBILT
EVERETT TRIVETT
LOAN OF BOOKS
TRIVETT.



Vasi lux quædam: quæ patriam fulgo-
re illustrabat: extinctus est Ioânes Iaco-
bus Triuulcius. unde nunc illa sese afflic-
tans in mœrore uersatur. Lugetq; caput
fidissimum: tot tantisq; uictoris insignes:
Italica militiæ decus & columen: morte
sibi ereptum esse. funusq; in senibus tem-
pestiuum: tanq̃ immaturū: deflet acerbissime. iure quidem
deflet: multa. n. in uno magnaq; amisit. De quibus rebus
iussus aliquid breuiter dicere Odete Princeps illustrissime:
rectorq; & gubernator Calpine sapientissime: Præses opti-
me: cæteri q; qui adestis: Patres amplissimi: ac uiri magnifi-
ci: scio me benigne audietis & intente. quando inter pluri-
mas maximasq; uirtutes: quibus abūdatis: humanitas quæ-
dam elucet splendidissima. quando bonas artes amatis: ea-
rumq; studiosos. quando de homine: seu uiro: seu Principe
potius: ac Duce dicturus sum clarissimo: ciue uestro: optime
merito: eodemq; omniū parente. nam & ætate reliquis ante-
ibat: & tanq̃ parens bonus omnium honori: & utilitati pari-
ter consulebat. cuius gesta si externi homines libentissime
audiunt: & cū uoluptate: quid uobis faciendum est: quibus
cum gloriam famamq; suā uir ille cōmunicauit: quæcunq;
enim gessit: quæ multa fuerunt & præclara: earum rerum
uos omnes estis participes & quasi cohæredes. Atque ego
ea mente ueni: ut aliquas tanti Ducis laudes recenserem:
nō omnes. siquidem difficillimum esset: quæ diuersis locis:
temporibus diuersis: a puericia ad senectutē usq; egit: bre-

ui oratione colligere. iamq; existimo ea multo esse uobis no-
tiora q̄ mihi: ut familiæ uetustatem dignitatemq; quæ mul-
tis ab hinc annis atq; adeo seculis Dioclitiano imperante e
Triuultio Burgundiæ (sic. n. legi in antiquis monumentis)
in urbem hâc celeberrimam profecta est. quam cum armis
defendisset: cunctis rogantibus uno ore in ea consedit. ubi
longa serie in maximo fuit honore & auctoritate. ac nō se-
mel acerrime pugnans hostiū extuils ciuitatem hanc pul-
cherrimam exornauit. Sed ne antiquissima uidear adduce-
re & a nostra memoria remotissima: pater huius Ducis emi-
nentissimicuius exequias mœstissimi celebratis: excellen-
tissimus fuit Antonius Triuultius. qui cum uaria gessit &
egregia: tum prioris Alphonsi regis copias in Piceno profli-
gauit cepitq; & trans A ternum fugauit missus a Francisco
Mediolani Duce. clarus quoq; fuit Renatus Triuultius: cla-
ri etiam complures. quid tamen attinet eos: qui iam pridem
e uita excesserūt: nominare? cum præsentes spectetis p̄sen-
tem stirpem hâc generosissimam. in qua quot quantosq; ui-
ros uidetis? e quibus Antistites sunt multi probitate doctri-
naq; & amplissimis sacerdotiis aucti: & hic: & i urbe Roma-
na Pōtifici maximo omnes acceptissimi: optimus. n. ille nō
solum maximus sui similes amat fouetq;. qui nunc eodem
lumine orbatī producta funeris pompa mœrēt grauissime.
plures i re militari diu multumq; uersati ductoresq; eximii
& spectati. Verum hæc: ut dixi: uos longe melius nostis: q̄
ego: quemadmodum & ea: quæ propria fuerūt huius orna-
tissimi uiri Ioannis Iacobi Triuultij. quæ quanq; nemini ue-

strum ignota sunt: tamen: quia cum iure amatis: puto non
iniucūdum uobis fore: si ea q̄ paucissimis exponam. quā-
memoratu dulcia sunt: quanto sēpius repetuntur: eo delec-
tant magis. Atq; ut hinc incipiam: illum sic Natura forma-
uit: ut natus uideretur: sicut fuit: ad militares ærumnas susti-
nēdas: sibi potionisq; parcissimus. quo genere abstinentiæ
cum semper mentē seruauit integram: synceram: uigilemq;
& intentam: tum grauissimum a se morbum repulit articu-
larem. qui cum nulla re possit curari: curauit tamen ille: seu
potius tanq̄ hostem fugauit temperato & salubri uictu. Ca-
loris fuit etiam frigorisq; patientissimus. testes sunt Alpes
Gallicæ. per quas Graius Hercules: & Carthaginēsis Anni-
bal: uterq; in ætate iuuenili semel transiuit. hic longæuus
sēpissime iter illud confecit eundo & redeundo frigidissi-
mo anni tempore. per saxeta: crepidines: per rupes præcipi-
tes diuturna nix & glaciē rigentes. Quid rerū gerit Ioan-
nes Iacobus Triuultius in hac hyeme: senectutē ne fouet
suam ad ignem: aut in lectulo quiescit: sic aliqui rogabant.
respondēbatur. ille aliquot ab hinc diebus in Galliam pro-
fectus est Transalpinā breui rediturus. nam sic solitus erat
illuc ire & redire: ubi aliquid pro christianissimis Regibus
faciēdum esset: tanq̄ si Gallia regio. fuisset suburbana. Som-
no quoq; minime omnium deditus erat. domi cū esset ante
lucanis horis surgebat quotidie: ut mēte tractaret ea: quæ
ad Christianissimos Reges: quæq; ad Remp. attinerent. nā
in castris nunq̄ nisi uictis aut fugatis hostibus quiescebat:
sub galea: sub lorica: sub scuto: nulla sub culeitra: sub pului-

no: aut stragulo: inter equorum fremitus: armorum strepi-
tus: militum clamores: tubarūq; clangores. hæ erant citha-
ræ: hæ lyræ: ad hos cæsus uir ille somnos captabat. Totius
uero corporis robore & firmitate quanta fuerit in iuuentu-
te: declarauit eiusdem senectus. in qua sic equum armatus
conscendebat: descendebat: incitabat: sustinebat: quasi adu-
lescens fuisset ualidissimus. inter suos loriceatus cum equita-
ret: caniciemq; galea premeret: hastamq; vibraret: omniū
in se unum oculos conuertebat. nam si hæc probantur in iu-
uene: mirabilia sunt in sene & quasi diuina. talem atque fuisse
se Numidiæ Regem Masinissam. sed quæ legimus: non ita
creduntur: ut eas quæ oculis ipsi cernimus. Quin etiam ipsa
oris dignitas uirum arguebat fortissimum. Legistis pinto de
C. Mario: qui & senex & inermis uultu tantū & uoce Cim-
brum in se uenientem armatū terrefecit & fugauit. itemq;
de Coriolano: cuius aspectus hostibus erat formidolosus:
illam eandem præseferbat animi præsentiam & spiritum
Triuultius. Quam etiam inter ciues decebat caput illud
senile & canis uenerandum: q̄ etiam inter Proceres: unius
ob os omnes ora uertebant sua. quem quoniam uirum ne-
queunt ultra spectare: conuenerunt nunc: ut spectent mor-
tuum: rati: quod Metellus Macedonicus liberis suis dixit
de Africano minori: fore: ut nunq̄ uidere possint ciuis ex-
quias maioris. Sed agite uirtutes animi inspiciamus. sunt
quidem illæ innumerabiles. sed ex iis paucas celeriter per-
curram. imprimisq; eius fortitudinem attingam. qua muni-
tus multa & graua pertulit: bonorum iacturam: exilij in-

omnibus contemptis & repudiatis sanctissime semper ser-
uauit. Quibus artibus multos magnosq; christiani populi
Principes sibi conciliauit. sub quorum auspiciis quæ gesse-
rit: longū esset cōmemorare: quoties in acie fuerit: quot ser-
tauerit commilitones: quot hostes partim ceperit: partim
strauerit: multis acceptis uulneribus: pluribus tamē illatis:
oppidaq; expugnauerit: cū ipse scalis admotis: ut ducem in
trepidum decet: primus omnium muros conscenderet. unde
sæpiissime in concione laudatus præmia accepit: plurima &
maxima. quot præterea matronas uirginesq; libidini mili-
tum eripuerit. Senenses fuerunt illæ: quas iuuenis cōtinen-
tissimus (nam hæc iam pridem fuerunt) & seruauit: & ad
suos remisit integras. Pene exciderat ē memoria Auximū:
qui locus natura & præsidio munitus artes sensit uiresq;
Triuultii. cum ualles aggere montibus æquauit: ac tormen-
tis hinc inde mœnia uerberans trepidantes compulit oppi-
danos ad deditionem præter omnium spem & opinionem.
unde a Pontifice Maximo hilari uultu acceptus multis ma-
gnisq; muneribus donatus est oblato etiam pileo Cardina-
lium insigni purpureo. sed ille cassidem maluit ferream na-
tus uidelicet ad arma & ad res gerendas maximas. Legun-
tur hæc: & habentur in manibus. superuacaneum igitur
esset differere. præsertim cum oratio sit hæc: non historia:
aut annales: neq; statuerim tanti ducis uitam hic explicare.
quod si fecissem: ab illius puericia inciperem. in qua con-
stat armorum equorumq; fuisse studiosum. dicerem de adu-
lescencia. in qua spem & futuræ uirtutis argumenta exhi-

buit cum ex equitum ludicro concursu & hastarum certamine: ut sit: solus ex omnibus palmam affecutus esset. quasi præludium fuit illud & tanq̃ omen certissimum: fore: ut nō semel uictis hostibus victoriam reportaret. dicerem eiusdē prima stipendia. quæ Galeatium Sfortiam secutus fecit in Gallia. quo tempore a Ludouico Rege Christianissimo aliquot e suis defecerunt multis ab hinc annis. ubi inter alia pulchra facinora constat ciuem seruasse non sine uitæ suæ summo discrimine. iam tunc uidebatur: quo esset tantus uir peruenturus. Sed q̃ magnus fuerit hic uel ex hoc intelligi potest. quod non modo Regum Aragoniæ gratiam iniit maximam: cum procul a suis in urbe uiueret Neapolitana: ubi (nimirum uera uirtus ubiq; est amabilis) Beatricem Daua lam illustrissimo genere natam & modestissimam matris monio sibi iunxit. quo coniugio quid unq̃ lætius uisum est? quanto cū gaudio Genuenses publico hospirio illos: cum Mediolanum uenirent: exceperunt: cæteraq; deinde oppida: & urbes: quanta cū uoluptate atq; alacritate uiderunt ciues amantissimi ciuem illū clarissimū: quasi triumphus ingressus esset urbē hanc: ita omnes obuiam læti & gratulantes procedebant. quid loquar de apparatu lautissimo & copiosissimo: de nuptiarum magnificentia: nemo: qui tunc uiuebat: non uidit. nemo: qui postea natus est: non audiuit. sed ut redeat: unde defluxit oratio: non solū Neapolitanis regibus gratus uixit: sed gratissimus tribus ex ordine Francorum Regibus Christianissimis: Regi Carolo: Ludouico Regi: & huic potētissimo Regi Francisco Christianissimo.

quibus quam fidem probauerit animumq; constantiā: quidue
sub eorū imperio egerit: non modo hic diuulgatum est: sed
exteris quoq; nationibus. eritq; non huic tantum ætati co-
gnitum: sed omni etiam posteritati. quamdiu. n. Regum illo-
rū fama extabit: extabit autē omnibus seculis: tādū huius
quoq; uiri nomen resonabit. ut. n. cum Agamemnone lauda-
tur Nestor: cum Rege Persarum Zopyrus ille: qui Baby-
loniam cepit: cum Philippo: eiulq; filio: Parmenio: sic cum
tribus Francorum Regibus Christianissimis notū erit no-
men Triuultii. Laudatur Carolus Rex Christianissimus: &
uere quidem laudatur: cum alibi locorum: tum in agro Par-
mensi apud Forum nouū. cum e mediis hostibus sese expe-
diens incolumi exercitu e locis angustis uictor euaderet.
Laudatur quoq; cum eo Triuultius: eiusq; consilium & acu-
men. cum missis ante impedimentis hostes impediuit. ac in-
terea ferro uiam aperuit edita ingenti strage. quo die non
tantum uiri uirtus spectata est & sollertia: sed sūma quoq;
felicitas. quæ illum: quicquid agebat: nunquam deseruit.
Cepit: atq; recepit Insubriam Ludouicus Rex Christianissi-
mus cum maxima laude & gloria. laudem quoq; & gloriam
cū eo assecutus est Triuultius. qui præmissus breui omnia
pacata reddidit. Mirifice se gessit fulmen belli rex hic Fran-
ciscus potentissimus & Christianissimus: unde famam ade-
ptus est & immortalitatem. famam quoq; & immortalitatem
cum eo adeptus est Triuultius. multa prætereo: & ea: qua
gesta sunt ad Petram: ubi hostibus tanq̃ belli propugnacu-
lum sese opposuit: effecitq; ut qui prius essent formidolosi:

nlro ipsi rogarent indutias. & uictoriam illam Bononiensem: claram: insignem: altius elatam: atq; alaram. quo enim uolans illius celebritas non peruenit: uix tunc sese ostendit ille: cum repente dissipato hostili exercitu uictor fuit suis omnibus non tantum illæsis: sed ne stricto quidem ense: aut telo eminus iacto. quanuis id non semel accidit: sed iterum atq; iterum consilio duntaxat & fama hostes nullo prælio cōmisso in fugam uertit sine suorū cæde & periculo. aliq; prætermitto: quæ cum multis Gallorum ductoribus gessit. unde nunc illi dolent: & ualde quidem dolent socio in rebus dubiis & ngantibus spectatissimo in perpetuum priuari. tuq; imprimis doles Odere Princeps illustrissimes: rectorq; & Gubernator Cisalpine sapientissime. tecū multos annos eadem iniit consilia: in iisdem fuit castris: in eadē acie armatus: eosdem labores suscepit tecum: iisdem periculis caput suum obiecit tecum: in eosdem simul impetū fecit: eosdem simul fugauit: fuit particeps uictoriæ: particeps gloriæ: merito igitur socium ita fidum fortemq; deploras. Sed & ipse Rex Christianissimus & mitissimus eiusdē mortem fert molestissime. itaq; perspecta illius sinceritate: quam semper probauit: ut uiuentem unice amauit: sic mortuum honoribus afficit. præmissisq; & litteris & certis hominibus mandat: ut oppida & urbes: qua transeundum est: honorifice funus excipiant. quod si nihil aliud affecutus esset præter honorem hunc regium: abunde fuisset gloriosus. uerum & Romæ: ut dixi: uelut unum defe-

eisset Italiae praesidium: iusta magnifice fiunt. Quae uero
nouissime his paucis diebus egit Ioannes Iacobus Triuul-
tius: silentio minime praetereundum est. pertinet. n. maxime
ad laudem eius & immortalitatem. nam cum multitudine
annorum oneratus uideret non posse uitae exitum diutius
proferri: ut fidem: quam semper inuiolatam seruauit in extre-
mo spiritu testatam relinqueret: nulla itineris difficultate
deterritus in Galliam ultimam nota uia profectus est: quasi
mandata uellet accipere a Christianissimo Regemigratu-
rus & ipse: quo ceteri: qui recte uixerunt mortales: in domum
illam coelestem & sempiternam. Et en inquit Christianissi-
me Rex: mors tandem urgens: cui non datur resistere: iube
hinc cedam relicta uxore carissima: suauissimo nepote: pro-
pinquis omnibus: necessariis: sociisque: & amicis iucundissi-
mis: teque imprimis Christianissime Rex: a quo inuitus ab-
strahor. sed quando naturae legibus parendum est: nolui te
in scio discedere. missionem igitur peto in regiones iturus re-
motissimas: unde nunquam dabitur reditus. ecquid mandas: iu-
bes ne aliquid Christianissime Rex: uale: semperque sis felix:
uictorque semper. patriam mihi rerum omnium carissimam
quis opus non sit: tibi commendo: commendo tibi ciues meos.
Quis igitur huius uitam felicissimam non iudicat: quae tot
honoribus & dignitatibus aucta: tot laudibus ornata: ad ex-
tremam peruenit senectutem: eaque tandem soluta defecit
cum summa laude: superstiti tam florenti familia: super-
stite etiam fama: quae pennae indefessa quam latissime uo-
lans huius egregia facta celebrat ubique gentium non praeter-

sentibus tantum sed posteris. Quæ omnia dum cogitantur
dolorem tollunt; efficiuntque; ut non opus sit Nenia; plango
re; lamentis; & ululatu; quæ omnino uana sunt; & tamen ad
hibenda; ubi quis turpiter uixit. non autem huiusmodi re
bus egent illi; qui uitam duxerunt honestissimam; & hinc
ita euolarunt; ut sui memoriam in animis uiuentium reli
querint perpetuam. ut hic fuit; cuius manibus gratulan
dum est; qui fructus e laboribus capiunt; inter homines;
& multo maiores inter animas coelestes; ubi æuo fruitur il
le sempiterno. gratulandum est huic familiæ; quæ inter
maiorum stemmata habet & huius imaginem multis ma
gnisq; titulis decoratam. gratulandum est patriæ; quæ
non minus ciue tam egregio gaudet; q̃ Thebani quondam
Epaminonda; Athenienses Themistocles; Scipionibus Ro
mani. quorum gesta; aliorumq; præterea multorum studio
se legebat hic & æmulabatur. nam quicquid oculi dabatur a
militia; a rebus publicis & amicorum; id omne conterebat
in cognoscendis antiquorum factis; unde semper aliquid ad
discebat. quocirca domi uiros habebat doctissimos; quos &
honore prosequabatur & præmiis. iamq; sibi librorum su
pellectilem parauerat lautissimā & multæ pecuniæ Lucu
lum secutus; Augustum; & Ptolemæum. gloriæ igitur mili
tari; quam æternam adeptus est; additum fuit litterarum
studium. scilicet quia legebat Alexandrum Macedonem;
Cæsarem; Pompeium aliosq; militiæ pariter incubuisse &
doctrinæ; ut illis esset; sicut fuit; in rebus honestis quam
simillimus. Itaq; ut finem dicendi faciam; qui hunc uiuum

amāuit: amarunt autem omnes: debet & mortuo gratulari:
eiusq; uirtutes imitari. tuq; præter alios Franciscæ Triuulti
puer ornatissime & eximie spei absterlis ex ore lachrymis
compresso etiam singultu emittere aui uestigia sectari: unde
non tantum hæreditatem bonorum accepisti: quæ ille non
sedendo inter ignauos consecutus est: at labore uario: sine
quo nemo uir bonus potest aliquid honeste adipisci: sed glo
riæ quoq; hæreditatē tibi reliquit. quæ custodienda est atq;
etiam augenda omni conatu. quod sine dubio efficies: si: ut
dixi: auum tibi proposueris imitandum: atq; etiam socerum
tuum Theodorum Triuultium uirum amplissimum: cuius
fidei: prudentiæ: & fortitudini Venetorum Resp. florentissi
ma militiæ suæ permisit habenas. illum uel hunc sequere:
utrumq; potius. habes & alia domestica exempla ante oculos
& luminaria: quibus prælucentibus non poteris errare
in tenebris. age puer excellentissime a teneris annis assue
sce tuos referre: fidemq; imprimis seruare: sicut tui fecerūt:
& faciunt: Christianissimo Regi: unde præter ea: quæ auus
accepit: plura & maiora expectabis. præclara in te indoles
elucet. scio: augebis & ipse domum tuam honoribus. bene
tibi opto puer: tuisq; omnibus: bene opto patriæ: quæ flo
reat magis in dies bonis artibus: diuitiis: opibusq; & poten
tia: extinctisq; seditionibus tranquilla quiescat: sitq; unani
mis: ita ut cingitas omnis una uideatur domus: ciues frater
na caritate teneantur. Opto quoq; præ cæteris felicitatem
Christianissimo Regi: ut diu uiuat: ut gloria abundet: bel
loq; tandem suscepto in hostes insolentissimos religiōis no